

Ауыл шаруашылығы кооперативінің үлгілік жарғысын бекіту туралы

Қазақстан Республикасы Ауыл шаруашылығы министрінің 2015 жылғы 24 желтоқсандағы № 1-2/1117 бұйрығы. Қазақстан Республикасының Әділет министрлігінде 2015 жылы 30 желтоқсанда № 12685 болып тіркелді

«Ауыл шаруашылығы кооперативтері туралы» 2015 жылғы 29 қазандағы Қазақстан Республикасы Заңының 17-бабының 3-тармағына сәйкес **БҰЙЫРАМЫН:**

1. Қоса беріліп отырған ауыл шаруашылығы кооперативінің үлгілік жарғысы б е к і т і л с і н .

2. Қазақстан Республикасы Ауыл шаруашылығы министрлігінің Стратегиялық жоспарлау және талдау департаменті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік т і р к е л у і н ;

2) осы бұйрық Қазақстан Республикасы Әділет министрлігінде мемлекеттік тіркелгеннен кейін күнтізбелік он күн ішінде оның көшірмесінің мерзімді баспа басылымдарына және «Әділет» ақпараттық-құқықтық жүйесіне ресми жариялауға ж і б е р і л у і н ;

3) осы бұйрықтың Қазақстан Республикасы Ауыл шаруашылығы министрлігінің интернет-ресурсында орналастырылуын қамтамасыз етсін;

3. Осы бұйрықтың орындалуын бақылау жетекшілік ететін Қазақстан Республикасының Ауыл шаруашылығы вице-министріне жүктелсін.

4. Осы бұйрық алғаш ресми жарияланған күнінен кейін күнтізбелік он күн өткен соң қолданысқа енгізіледі, бірақ 2016 жылғы 1 қаңтардан ерте қолданысқа енгізілмейді.

Ауыл шаруашылығы министрі *Қазақстан Республикасының*
А.Мамытбеков

« К Е Л І С І Л Г Е Н »

Қазақстан Республикасының
Қ а р ж ы м и н и с т р і
----- *Б. Сұлтанов*

2015 жылғы 28 желтоқсан

« К Е Л І С І Л Г Е Н »

Қазақстан Республикасының
Ұлттық экономика министрі
----- *Е. Досаев*

2015 жылғы 29 желтоқсан

Қазақстан Республикасы
Ауыл шаруашылығы министрінің
2015 жылғы 24 желтоқсандағы
№ 1 - 2 / 1117 бұйрығымен
бекітілген

Ауыл шаруашылығы кооперативінің үлгілік жарғысы

1. Жалпы ережелер

1. Ауыл шаруашылығы кооперативінің (бұдан әрі – кооператив) фирмалық атауы және ұйымдастыру-құқықтық нысаны: мемлекеттік тілде: _____; орыс тілінде: _____.

Кооператив «Ауыл шаруашылығы кооперативтері туралы» 2015 жылғы 29 қазандағы Қазақстан Республикасының Заңының (бұдан әрі – Заң) 5-бабына және Қазақстан Республикасының заңнамасына сәйкес құрылған заңды тұлға болып табылады.

2. Кәсіпкерлік субъектісінің мәртебесі _____.

3. Кооперативтің орналасқан жері (басқарманың атқарушы органының орналасқан жері): _____.

2. Құру мақсаттары және қызмет түрлері

4. Кооперативті құру мақсаттары _____.

5. Көрсетілген мақсаттарға қол жеткізу үшін кооператив заңнамада тыйым салынбаған мынадай негізгі қызмет түрлерін жүзеге асырады: _____.

6. Кооператив қызметінің түрлерін өзгерту және (немесе) толықтыру үшін _____ қажет.

2. Кооператив мүшелерінің жалпы жиналысын қалыптастыру тәртібі және құзыреті, олардың шешімдерді қабылдау тәртібі

7. Мыналар кооперативті басқару органдары болып табылады:

1) жоғары орган – кооператив мүшелерінің жалпы жиналысы;

2) атқарушы орган – _____*;

3) бақылау органы – тексеру комиссиясы**.

8. Кооператив мүшелерінің жалпы жиналысы кооперативтің жоғары басқару органы
б о л ы п т а б ы л а д ы .

9. Кооперативтің қауымдасқан мүшелерін қоспағанда, кооперативтің әрбір мүшесінің кооператив қызметінің барлық мәселелері бойынша шешімдер қабылдаған кезде өзінің мүлік (пай) жарналарының мөлшеріне және санына қарамастан бір дауысқа
и е қ ұ қ ы ғ ы б о л а д ы .

10. Кооператив мүшелерінің жалпы жиналысының ерекше құзыретіне:

- 1) атқарушы органды және оның басшысын сайлау, сондай-ақ оларды қайта сайлау;
- 2) кооператив жарғысына өзгерістер мен толықтырулар енгізу, кооператив жарғысын жаңа редакцияда қабылдау;
- 3) атқарушы органдардың қаржылық есеп беру тәртібі мен кезеңділігін айқындау;
- 4) кооперативтің жылдық есептерін және бухгалтерлік баланстарын бекіту, кооперативтік төлемдерді және кооперативтің табысын немесе залалын бөлу;
- 5) кооперативтің қауымдасқан мүшелерін қоспағанда, кооператив мүшелері жауапкершілігінің нысанын айқындау;
- 6) кооператив мүшелерінің, сондай-ақ кооперативтің қауымдасқан мүшелерінің мүлік (пай) жарналарының және қосымша жарналардың мөлшерін белгілеу және өзгерту ;
- 7) кооператив қорларының түрлерін, мөлшерін, оларды қалыптастыру және пайдалану тәртібін белгілеу ;
- 8) кооперативте мүшелікке қабылдау және мүшелікті тоқтату;
- 9) кооперативті қайта ұйымдастыру және тарату;
- 10) кооперативтің басқа заңды тұлғаларды, сондай-ақ өзінің филиалдары мен өкілдіктерін құруға және (немесе) олардың қызметіне қатысуы туралы шешімдерді қабылдау ;
- 11) _____ ***.

11. Кооператив мүшелерінің жалпы жиналысы кооператив қызметіне қатысты кез келген мәселені өзінің қарауына қабылдауға құқылы.

Е с к е р т п е л е р :

* – кооперативтің атқарушы органы оның басқармасы болып табылады. Сонымен бірге, Заңның 35-бабы 2-тармағына сәйкес кооператив мүшелерінің саны оннан аспайтын ауыл шаруашылығы кооперативтерінде басқарманың функцияларын ауыл шаруашылығы кооперативінің төрағасына (жеке-дара атқарушы орган) жүктеуге жол беріледі ;

** – Заңның 36-бабы 1-тармағына сәйкес, тексеру комиссиясы міндетті орган болып табылмайды және кооператив мүшелерінің жалпы жиналысының шешімімен құрылуы мүмкін ;

*** – Заңның 34-бабының 3-тармағы 11) тармақшасына сәйкес кооператив жарғысында кооператив мүшелерінің жалпы жиналысының ерекше құзыретіне жататын басқа мәселелер көзделуі мүмкін.

4. Кооператив мүшелерінің, оның ішінде сырттай, кезекті және кезектен тыс жалпы жиналысын шақыру және өткізу тәртібі

12. Кооператив мүшелерінің жалпы жиналысы (сырттай, кезекті, кезектен тыс) қажеттілігіне қарай, бірақ жылына бір реттен сиретпей шақырылады. Кооператив мүшелерінің жалпы жиналысы атқарушы органның ұсынысы бойынша немесе кооператив мүшелерінің кемінде үштен бірінің талабы бойынша шақырылады.

13. Кооператив мүшелерінің жалпы жиналысын шақырушы орган немесе тұлға (тұлғалар), жиналыстың ашылуына дейін _____* күн бұрын оның өткізілетіндігі туралы кооперативтің әрбір мүшесіне хабарлауға міндетті.

Хабарламада жиналыстың өтетін орны мен уақыты, сондай-ақ ұсынылатын күн тәртібі көрсетілуі қажет.

14. Кооператив мүшелерінің жалпы жиналысы, егер онда кооператив мүшелерінің айқын басым көпшілігі үштен екі бөлігі қатысса, шешім қабылдауға құқылы. Кооператив мүшелерінің жалпы жиналысында шешім ашық дауыс беру арқылы қабылданады және осы жарғыға өзгерістер мен немесе толықтыруларды қоспағанда, кооперативтің қатысып отырған мүшелерінің көпшілік дауысымен қабылданды деп есептеледі. Кооператив мүшелерінің жалпы жиналысында қатысып отырғандардың кемінде үштен бірінің талабы бойынша жасырын дауыс берілуі мүмкін.

15. Кооператив мүшесі кооператив мүшелерінің жалпы жиналысына өзі немесе өкілі арқылы қатысуға құқылы. Осы ауыл шаруашылығы кооперативінің басқа мүшелерін, оның ішінде қауымдасқан мүшелерін қоспағанда, кооператив мүшесінен нотариат куәландырған сенімхаты бар, іс-әрекетке қабілетті жеке тұлға өкіл ретінде болуға құқылы.

16. _____ жағдайларда және жиынтығында жалпы дауыс санының _____ артығына ие кооператив мүшелері келісім берген жағдайда, жалпы жиналыс хат, факсимильді немесе электрондық хабарламалар алмасу арқылы сұрау жолымен не жіберілетін және қабылданатын хабарламалардың тең түпнұсқалылығын қамтамасыз ететін және мүшелердің барлығына қолжетімді басқа байланыс құралдарын пайдалана отырып, сырттай жүргізілуі мүмкін.

Е с к е р т п е :

* – кооператив мүшелерін хабарландыру мекенжай, бұқаралық ақпарат құралдарында жариялау, не басқа байланыс құралдары арқылы жүзеге асырылуы мүмкін.

5. Кооперативтің атқарушы органын қалыптастыру тәртібі және олардың құзыреті, шешімдерді қабылдау тәртібі

17. _____*, кооперативтің атқарушы органы болып табылады, ол (оның мүшелері) кооператив мүшелерінің жалпы жиналысында _____ жылға сайланады.

Басқарма _____ мүшеден құралады (атқарушы орган алқалы болып табылған _____ жағдайда).

18. Басқарма мүшесі (кооперативтің төрағасы), кооператив мүшелерінің жалпы жиналысын қоспағанда, бір мезгілде кооператив басқармасының басқа органының мүшесі бола алмайды.

19. Басқарма мүшелері (кооператив төрағасы) кооператив мүшелерінің жалпы жиналысының шешімі бойынша кез-келген уақытта міндеттерін атқарудан босатылуы мүмкін.

Басқарманы (кооператив төрағасын) кооператив мүшелерінің жалпы жиналысы бақылайды және басқарма оған есеп береді.

20. Басқарманың (кооператив төрағасының) құзыретіне кооператив қызметінің Заңмен және осы кооператив жарғысымен кооператив мүшелерінің жалпы жиналысының ерекше құзыретіне жатқызылмаған барлық ағымдағы мәселелерін шешу жатады.

21. Басқарма өзінің шешімдерін қажеттілігіне қарай, бірақ үш айда бір реттен сиретпей өткізілетін отырыстарда қабылдайды.

Басқарманың отырысы, егер онда басқарма мүшелерінің үштен екісі қатысса, заңды болып есептеледі.

Басқарма отырысындағы мәселелер ашық дауыс берумен шешіледі. Басқарманың шешімі, егер оған басқарма мүшелерінің отырысында қатысып отырғандардың үштен екісі дауыс берсе, қабылданған болып есептеледі.

22. Басқарма төрағасы (кооператив төрағасы) кооператив атынан сенімхатсыз әрекет етеді; Заңда және осы кооператив жарғысында көзделген шектерде кооператив мүлкіне билік етеді; кооперативтің атынан сенімхаттар, оның ішінде сенімді басқа біреуге аудару құқығымен береді; екінші деңгейдегі банктерде және басқа да қаржы ұйымдарында кооперативтің шоттарын ашады; кооператив қызметкерлерін жұмысқа қабылдауды және жұмыстан босатуды жүзеге асырады; өз құзыреті шегінде кооператив мүшелерінің және оның жұмыскерлерінің орындауы үшін міндетті бұйрықтар шығарады және нұсқаулар береді.

Е с к е р т п е :

* – кооперативтің атқарушы органы оның басқармасы болып табылады. Сонымен бірге, Заңның 35-бабы 2-тармағына сәйкес кооператив мүшелерінің саны оннан аспайтын ауыл шаруашылығы кооперативтерінде басқарманың функцияларын ауыл

шаруашылығы кооперативінің төрағасына (жеке-дара атқарушы орган) жүктеуге жол беріледі.

6. Кооперативтің тексеру комиссиясын қалыптастыру тәртібі және оның құзыреті, шешімдер қабылдау тәртібі

23. Кооператив өзінің қаржы-шаруашылық қызметіне тексеруді кооператив мүшелерінің жалпы жиналысының шешімімен бақылау органын – тексеру комиссиясын құру жолымен жүзеге асыруға құқылы.

24. Тексеру комиссиясының құрамында тексеру жүргізуге Қазақстан Республикасының заңнамасына сәйкес аудиторлар, қаржы және бухгалтерлік есеп саласындағы мамандар және көрсетілетін қызметтері үшін төлем кооператив есебінен жүзеге асырылатын басқа да адамдар тартылуы мүмкін.

Басқарма мүшелері тексеру комиссиясының мүшелері бола алмайды

25. Тексеру комиссиясы кооператив мүшелерінің жалпы жиналысына есеп береді.

26. Тексеру комиссиясының мүшелері кооперативтің қаржы-шаруашылық қызметіне тексеру жүргізген кезде ауыл шаруашылығы кооперативінің барлық құжаттамасына кедергісіз қол жеткізу құқығына ие болады. Олардың талап етуі бойынша басқарма мүшелері (ауыл шаруашылығы кооперативінің төрағасы) ауызша немесе жазбаша нысанда қажетті түсіндірмелер беруге міндетті. Тексерудің нәтижелері кооператив мүшелерінің жалпы жиналысына тиісті шешімдер қабылдау үшін жолданады.

7. Кооперативке мүшелердің кіру тәртібі мен шарттары, оның ішінде кооперативтің қауымдасқан мүшелерінің кіру тәртібі мен шарттары, кооперативтен шығу тәртібі

27. Кооператив мүшелерін, сондай-ақ кооперативтің қауымдасқан мүшелерін ауыл шаруашылығы кооперативіне қабылдау Заңның және осы кооператив жарғысының нормалары сақтала отырып жүргізіледі және кооператив жарғысына сәйкес, кооператив мүшелерінің жалпы жиналысының шешімімен ресімделеді.

Кооперативтің қауымдасқан мүшелерін қабылдау кооперативтің қауымдасқан мүшелерімен жасасатын шарты негізінде жүзеге асырылады.

28. Кооперативтің мүшелігіне қабылдау туралы өтініште кооператив жарғысының талаптарын сақтау, оның ішінде кооперативтің жарғысында көзделген мүлік (пай) және кіру жарналарын енгізу жөніндегі міндеттемелер қамтылуға тиіс.

29. Өтініш беруші мүлік (пай) және кіру жарналарын енгізген күннен бастап кооператив мүшелігіне қабылданған болып есептеледі.

30. Кооператив мүшесіне кооперативтегі мүшелікті растайтын құжат болып

табылатын мүше кітапшасы беріледі, онда: кооператив мүшесі туралы деректер, сондай-ақ хронологиялық тәртіппен өзі енгізген мүлік (пай) жарнасының мөлшері және оны енгізу мерзімдері; кіру жарнасының мөлшері; қосымша жарналардың мөлшері мен саны, сондай-ақ олардың нысаны (ақшалай, мүліктік) туралы мәліметтер көрсетіледі.

31. Кооперативтегі мүшелік:

1) кооперативтен шыққан;

2) пай басқа тұлғалардың иелігіне берілген;

3) кооператив мүшесі немесе кооперативтің қауымдасқан мүшесі болып табылатын жеке тұлғаның қызметі тоқтатылған немесе заңды тұлға таратылған;

4) кооперативтен шығарылған;

5) кооператив мүшесі немесе кооперативтің қауымдасқан мүшесі болып табылатын жеке тұлға қайтыс болған, оны сот хабар-ошарсыз кеткен деп таныған немесе қайтыс болды деп жариялаған;

6) кооператив таратылған жағдайларда тоқтатылады.

32. Кооперативтің әрбір мүшесі мынадай тәртіппен: _____

_____ өз еркімен
кооперативте мүшелігін тоқтатуға құқылы.

Кооперативтен шығу туралы өтініш берілген күннен бастап күнтізбелік отыз күн ішінде қаралуға тиіс.

33. Кооператив мүшесі өзінің пайын басқа тұлғаның иелігіне беруге және кооперативтен шығуға құқылы. Пайды кооперативтің мүшелері болып табылмайтын тұлғалардың иелігіне беруге рұқсат етіледі *. Пайды сату кезінде кооперативтің басқа мүшелері артықшылықпен сатып алу құқығын пайдаланады.

Ескертпе:

* – Заңның 30-бабы 1-тармағына сәйкес жарғыда өзгеше белгіленуі мүмкін.

8. Кооперативтен шығару негіздері және тәртібі

34. Кооперативтен мүшелерді шығару үшін негіздер (талаптар):
_____ болып табылады.

35. Кооператив мүшесін шығару кооперативтің жалпы жиналысының шешіміне сәйкес мынадай тәртіппен жүргізіледі: _____.

36. Кооперативтен шығарылған тұлға кооператив мүшелерінің жалпы жиналысы оны шығару туралы шешім қабылдаған күннен бастап он жұмыс күні ішінде жазбаша түрде хабарлануға тиіс.

37. Кооперативтен шығарылған тұлға кооператив мүшелерінің жалпы жиналысының шешіміне Қазақстан Республикасының заңнамасында белгіленген тәртіппен шағым жасауға құқылы.

9. Кооперативтегі мүшелігін тоқтатқан кооператив мүшелеріне пайды төлеу (беру) тәртібі

38. Осы жарғының 31-тармағының 1), 3) – 6) тармақшаларында көрсетілген негіздер бойынша кооперативтегі мүшелік тоқтатылған кезде кооператив мүшесіне немесе оның құқықтық мирасқорына оның пайы, сондай-ақ кооператив мүшесіне тиесілі кооперативтік төлемдер мен кооперативтің таза табысының бір бөлігі төленеді (беріледі). Пай төлеу (беру) туралы шешімді осы кооператив жарғысына сәйкес кооператив мүшелерінің жалпы жиналысы қабылдайды.

39. Пайды төлеу (беру) кооперативтің атқарушы органы белгілеген мерзімдерде жүзеге асырылады, бірақ кооперативтегі мүшелік тоқтатылған сәттен бастап бір жылдан аспауға тиіс.

40. Егер кооперативтің кооперативтен шығатын мүшесіне оның пайын төлеуге (беруге) мүмкіндігі болмаса, кооперативтің жалпы жиналысы кооперативтің басқа мүшелерінің қосымша жарналар енгізуі туралы шешім шығарады, пай солардың есебінен төленеді (беріледі).

41. Кооперативтің қауымдасқан мүшесі болып табылатын жеке тұлғаның қызметі тоқтатылған немесе заңды тұлға таратылған кезде оның енгізген мүлік (пай) жарнасын төлеу ауыл шаруашылығы өнімі, акваөсіру (балық өсіру шаруашылығы) өнімі есебінен, оның ішінде кооператив мүшелерінің қосымша жарналары есебінен ақшалай және (немесе) заттай нысанда жүзеге асырылуы мүмкін.

Кооперативтің қауымдасқан мүшелері ауыл шаруашылығы өнімін, акваөсіру (балық өсіру шаруашылығы) өнімін үшінші тұлғаларға кепілдікті беруін талап ету құқығын иеліктен шығарған кезде міндеттемелерді орындауды кооператив кооперативтің қауымдасқан мүшесімен жасалған шарттың немесе өзге де құжаттың талаптарына сәйкес осындай тұлғалар жүзеге асырады.

42. Кооператив мүшелері кооперативтен шыққан кезде оларға жер учаскелері немесе оларға заттық құқық түрінде пай төлеу (беру) ерекшеліктері Қазақстан Республикасының жер заңнамасында белгіленеді.

10. Кооператив қызметінде пайда болатын құжаттардың нысандары мен түрлері, кооператив құжаттамасын жүргізу тәртібі

43. Кооператив қызметінде пайда болатын кооператив құжаттары* мыналардан тұрады :

- 1) кооперативтің жарғысы, кооператив жарғысына енгізілетін өзгерістер мен толықтырулар ;
- 2) құрылтай шарты, құрылтай шартына енгізілетін өзгерістер мен толықтырулар;
- 3) құрылтай жиналыстарының хаттамасы;

- 4) кооперативтің қызметтің белгілі бір түрлерімен айналысуына және (немесе) белгілі бір іс-қимылдарды (операцияларды) орындауына рұқсаттар;
- 5) кооперативтің балансындағы (балансында болған) мүлікке оның құқығын
р а с т а й т ы н қ ұ ж а т т а р ;
- 6) қоғамның филиалдары мен өкілдіктері туралы ереже;
- 7) кооператив мүшелерінің жалпы жиналыстарының хаттамалары, дауыс беру қорытындылары туралы хаттамалар және бюллетеньдер;
- 8) кооператив мүшелерінің тізімдері;
- 9) атқарушы орган отырыстарының (шешімдерінің) хаттамалары;
- 10) кооперативтің қаржылық есептілігі.

44. Кооперативтің қызметіне қатысты құжаттар кооперативтің атқарушы органының орналасқан жері бойынша оның қызметінің соңына дейін сақталуға тиіс.

45. Кооператив мүшесі ауыл шаруашылығы кооперативінің қызметі жөнінде толық ақпарат алуға, соның ішінде жылдық қаржылық есептілікпен, ауыл шаруашылығы кооперативінің бухгалтерлік және басқа құжаттамасымен танысуға құқылы.

Е с к е р т п е :

* – кооператив жарғысында өзге құжаттар тізбесі көзделуі мүмкін.

11. Кооператив мүшелерінің, сондай-ақ кооперативтің қауымдасқан мүшелерінің құқықтары мен міндеттері

4 6 . К о о п е р а т и в м ү ш е с і :

- 1) кооператив істерін басқаруға, сондай-ақ, кооперативтің қауымдасқан мүшелерін қоспағанда, бір дауысқа ие құқығымен кооператив мүшелерінің жалпы жиналысының жұмысына қатысуға құқылы. Бұл ретте осы құқығын кооперативтің басқа мүшелеріне
б е р у г е б о л м а й д ы ;
- 2) кооперативтің басқару органдарын сайлауға және оларға сайлануға, кооператив қызметін жақсарту, оның органдарының жұмысындағы және кооперативтің қауымдасқан мүшелерін қоспағанда, лауазымды адамдарының жұмысындағы кемшіліктерді жою туралы ұсыныстар енгізуге;
- 3) кооперативтің қызметі туралы толық ақпарат алуға, оның ішінде кооперативтің жылдық қаржы есебімен, бухгалтерлік және басқа да құжаттамасымен танысуға;
- 4) кооперативтің қауымдасқан мүшелерін қоспағанда, кооператив мүшелерінің жалпы жиналысында кооперативтік төлемдерді, сондай-ақ кооператив алған таза
т а б ы с т ы б ө л у г е қ а т ы с у ғ а ;
- 5) кооперативтік төлемдерді және кооперативтің қауымдасқан мүшелерін қоспағанда, кооператив мүшелерінің арасында бөлуге жататын таза табыстың үлесін
а л у ғ а ;
- 6) кооперативтегі өзінің еңбегі үшін төлем алуға;

7) осы жарғыда көзделген, оның ішінде кооперативтің мүлкін пайдалану, кооперативтен материалдық_____және өзге де көмек алу бөлігінде жеңілдіктер мен артықшылықтарды пайдалануға;

8) кооператив мүшелерінің жалпы жиналысының шешімі бойынша кооперативтің тауарларын (жұмыстарын, көрсетілетін қызметтерін) өзіндік құны бойынша және бірінші кезектегі тәртіппен сатып алуға;

9) Заңда көзделген жағдайларда пайды төлеуге (беруге);

10) кооперативтен Заңда және осы кооператив жарғысында белгіленген тәртіппен шығуға ;

11)_____құқылы*.

47. Кооперативтің қауымдасқан мүшелерінің мыналарға:

1) кооператив мүшелерінің жалпы жиналысында оған кірген және мүлік (пай) жарнасын енгізген кезде айқындалған бағалар бойынша кооператив мүшелерімен қатар ауыл шаруашылығы өніміне, акваөсіру (балық өсіру шаруашылығы) өніміне қажеттіліктерін бірінші кезекте қанағаттандыруға;

2) өзі енгізген мүлік (пай) жарналары бойынша дивидендтер алуға;

3) кооперативтен шыққан немесе ол таратылған кезде өзінің мүлік (пай) жарналары құнының төленуіне ;

4) кооператив мүшелерінің жалпы жиналысы шешімдер қабылдаған кезде кеңесші дауыс беруге ;

5) кооперативтен Заңда және осы кооператив жарғысында белгіленген тәртіппен шығуға құқығы бар .

48. Кооператив мүшесі Қазақстан Республикасы заңдарында және осы кооператив жарғысында көзделген басқа құқықтарға ие бола алады.

49. Қазақстан Республикасының заңдарында және осы кооператив жарғысында оның ішінде кооператив мүшелерінің келісімі бойынша кез-келген нысанда шектеуге жол берілмейді .

50. Кооператив мүшесі :

1) Кооперативтің құрылтай құжаттарында көзделген талаптарды сақтауға;

2) кооператив мүшелерінің жалпы жиналысының, басқа да кооперативті басқару органдарының өздерінің құзыретіне сәйкес қабылдаған шешімдерін орындауға;

3) кооперативтің мүлкіне мүлік (пай) және кіру жарналарын, сондай-ақ қосымша жарналарды осы кооператив жарғысында көзделген тәсілмен, тәртіппен және мөлшерде енгізуге ;

4) кооператив өзінің коммерциялық құпиясы деп жариялаған мәліметтерді жария етпеуге ;

5) _____**.

51. Кооператив мүшелерінің оның қызметіне қатысу сипаты мен тәртібі _____***.

52. Кооператив мүшесі Қазақстан Республикасы заңдарында және осы кооператив жарғысында көзделген басқа міндеттерді атқаруы мүмкін.

Е с к е р т п е л е р :

* – Заңның 26-бабы 3-тармағына сәйкес, кооператив мүшесі құрылтай құжаттарында көзделген басқа құқықтарға ие бола алады;

** – Заңның 27-бабы 2-тармағына сәйкес, кооператив мүшесі құрылтай құжаттарында көзделген басқа міндеттерді атқаруы мүмкін;

*** – Заңның 17-бабы 2-тармағының 14) тармақшасына сәйкес.

12. Кооператив мүлкін қалыптастыру көздері

53. Кооперативтің мүлкі оның мүшелерінің мүлік (пай) жарналарының, кіру, қосымша жарналарының, кооперативтің қауымдасқан мүшелерінің мүлік (пай) жарналарының, өз қызметінен алынатын табыстар есебінен және Қазақстан Республикасының заңнамасында тыйым салынбаған өзге де көздер есебінен қ а л ы п т а с а д ы .

54. Кооперативтің мүлкі оған меншік құқығымен тиесілі болады.

55. Кооперативтің мүлкіне иелік етуді, оны пайдалануды және оған билік етуді оның басқару органдары өздеріне берілген өкілдіктер шегінде жүзеге асырады.

56. Кооператив өз қызметін жүзеге асыру үшін _____ қорлар (пай, резервтік *) қалыптастырады.

Қорлардың (пай, резервтік*) түрлері, мөлшерлері, оларды қалыптастыру және пайдалану тәртібі _____.

57. Ауыл шаруашылығы кооперативі таратылған жағдайда, Қазақстан Республикасы азаматтық заңнамасында белгіленген кезектілік тәртібімен жүргізілген төлемдерден, сондай-ақ пайларды төлеуден (беруден), кооперативтік төлемдер мен кірістер бөлінгеннен кейін қалған оның мүлкі кооператив мүшелерінің арасында енгізген мүлік (пай) жарналарына пропорционалды түрде бөлінеді.

58. Кооператив мүшелері кооперативтің міндеттемелері бойынша жауап бермейді және өздері енгізген мүлік (пай) жарналарының құны шегінде кооперативтің қызметімен байланысты залалдардың тәуекелін көтереді **.

Е с к е р т п е л е р :

* – Заңның 20-бабы 4-тармағына сәйкес кооператив резервтік қор қалыптастыруға қ ұ қ ы л ы ;

** – Заңның 22-бабы 2-тармағына сәйкес жарғыда кооператив мүшелері жауапкершілігінің өзге нысаны белгіленуі мүмкін.

13. Кооператив мүшелерінің мүлік (пай) және кіру жарналарын енгізу мөлшерлері және тәртібі, кооперативтің қауымдасқан

мүшелерінің мүлік (пай) жарналарын енгізу тәртібі және шарттары, сондай-ақ мүлік (пай) жарналарын уақтылы енгізбеу салдары

59. Кооператив мүшелерінің мүлік (пай) және кіру жарналарының мөлшерлері және енгізу тәртібі _____.

60. Кооперативтің қауымдасқан мүшелерінің мүлік (пай) жарналарын енгізу тәртібі және шарттары: _____.

61. Мүлік (пай) жарнасын уақтылы енгізбеген жағдайда _____.

14. Кооперативтік төлемдерді және кірісті бөлу тәртібі

62. Кооператив мүшелеріне кооперативтік төлемдер – кооператив мүшелеріне кооператив жарғысында белгіленген тәртіппен олардың ауыл шаруашылығы кооперативінің өндірістік және (немесе) өзге де шаруашылық қызметінде қатысуына пропорционалды түрде мынадай тәртіппен _____ төленетін кооператив табысының бір бөлігі.

63. Кооперативтік төлемдерді бөлу туралы шешім кооперативтің тиісті жылдағы қызметінің нәтижелерін бекіту бойынша кооператив мүшелерінің жалпы жиналысының шешімі қабылданғанға дейін қабылданады.

64. Кооперативтің бір жыл ішіндегі өз қызметінің нәтижелері бойынша алған таза табысын кооператив мүшелерінің арасында бөлу кооператив мүшелерінің жалпы жиналысының шешімі бойынша мынадай тәртіппен жүргізіледі _____.

Кооператив мүшелерінің жалпы жиналысы таза табысты немесе оның бір бөлігін кооператив мүшелерінің арасында бөлуден алып тастау туралы шешім қабылдауға қ ұ қ ы л ы .

65. Кооператив кооператив мүшелерінің жалпы жиналысының таза табысты бөлу туралы шешімі қабылданған күннен бастап бір ай ішінде таза табысты төлеуді ақшалай нысанда жүргізуге тиіс.

15. Құрылтай құжаттарына өзгерістер мен толықтырулар енгізу тәртібі

66. Кооператив жарғысына өзгерістер және (немесе) толықтырулар, кооперативтің жаңа редакциядағы жарғысын қабылдау кооператив мүшелерінің жалпы жиналысында айқын басым көпшілік дауыспен немесе кооперативтің айқын басым көпшілік мүшелерінің жазбаша келісуімен (сырттай дауыс беру) қабылданады. Айқын басым көпшілік кооператив мүшелерінің жалпы санының үштен екісін құрайды.

16. Кооперативті қайта ұйымдастыру және тарату шарттары

67. Кооперативті қайта ұйымдастыру (біріктіру, қосу, бөлу, бөліп шығару, қайта құру) Қазақстан Республикасының заңнамасына сәйкес кооператив мүшелерінің жалпы жиналысының шешімі бойынша не соттың шешімі бойынша жүзеге асырылады.

68. Кооператив қайта ұйымдастырылған кезде кооперативтің жарғысына өзгерістер және (немесе) толықтырулар немесе ауыл шаруашылығы кооперативінің жарғысын жаңа редакцияда қабылдау Қазақстан Республикасы заңнамасының талаптарына сәйкес жүзеге асырылады.

69. Кооператив қайта ұйымдастырылған кезде оның құқықтары мен міндеттері тапсыру актісіне және (немесе) бөлу балансына сәйкес құқықтық мирасқорларына ауысады. Көрсетілген құжаттарда тараптар дауласып отырған міндеттемелерді қоса алғанда, қайта ұйымдастырылатын кооперативтің барлық кредиторлары мен борышкерлеріне қатысты барлық міндеттемелері бойынша құқықтық мирасқорлық туралы ережелер қамтылуға тиіс.

70. Тапсыру актісі және (немесе) бөлу балансы кооператив мүшелерінің жалпы жиналысында бекітіледі және Қазақстан Республикасының заңнамасында белгіленген тәртіппен мемлекеттік тіркеу үшін ұсынылады.

71. Кооператив кооперативтің жалпы жиналысының шешімімен (ерікті тарату) немесе Қазақстан Республикасы заңдарында көзделген жағдайларда сот шешімі негізінде таратылады (мәжбүрлі тарату).

72. Кооперативті тарату Қазақстан Республикасының оңалту және банкроттық туралы заңнаманың талаптарын ескере отырып, Қазақстан Республикасының 1994 жылғы 27 желтоқсандағы Азаматтық кодексінің 50-бабына сәйкес жүзеге асырылады.